

2014 Nienz Daengx Gih Cuengh Gun Song Vah Saw Yozcenz Lauxsae “Angq Hag Sawcuengh” Sonhag Geiz Daihsam Beizyinbanh Youq Vanzgyangh Banh Ban

2014年全区壮汉双语学前教师“快乐壮文”教学第三期培训班在环江举办

□Bonjbauq gicej Veiz Yennaz/韦愿娜



▲ Gvangjsih Minzcuz Gyaunuz Fazcanj Cunghsinh yizsinj Lingz Hinghningz youq gwnz hoih cunggez beizyinbanh gangviah.



▲ Gvangjsih Sawcuengh Yoz-yau fuyaucangj, lauxhangz Saw-cuengh Moz Gwzli youq gwnz hoih siujcuj daujlun gangviah.

▲ Gyoengq yozyenz youq Vanz-gyangh Mauznanzcuz Swciyen Cingh Saunenz Hozdungh Cunghsinh camgya beizyin.



▲ Hagseng Yinzhoz Siujyoz angq-coux gyoengq boux lingjdauj, lauxhangz caeuq gyoengq lauxsae daeuj hagdangz dingq goq.

“Roegcak bakdou heuhcacet, angqcoux bouxhek daeuj daengz ranz; eu fwenlohhaiz simcingz sangj, yienh cenj caz hom gingq bouxhek.”

Neix dwg 9 nyied 19 hauh banhaet, gyoengq hagseng Vanz-gyangh Mauznanzcuz Swciyen Swh'wnh Cin Yinzhoz Siujyoz youq bakdou hagdangz eu fwen couxhek, angqcoux gyoengq boux lingjdauj Swcigih Gyaunuzdingh, gyoengq boux lauxhangz Saw-cuengh caeuq gyoengq boux lauxsae Sawcuengh daeuj hagdangz gyoengqde camgya “angq hag Sawcuengh” sonhag beizyinbanh.

9 nyied 19 hauh daengz 20 hauh, 2014 nienz daengx gih Cuengh Gun song vah saw yozcenz

lauxsae “angq hag Sawcuengh” sonhag geiz daihsam beizyinbanh youq Vanzgyangh Mauznanzcuz Swciyen Swh'wnh Cin Yinzhoz Siujyoz banh ban. Hozciz Si 19 aen Cuengh Gun song vah saw sawqniemh siujyoz gungh miz 30 boux lauxsae daeuj camgya beizyin hagsib. Gyoengq boux lauxhangz Sawcuengh Gvangjsih Minzcuz Gyaunuz Fazcanj Cunghsinh, Gvangjsih Sawcuengh Yozyau haenx daeuj daengz yienhciegz sonyinx beizyin. Beizyin ngoenzde, Yinzhoz Siujyoz Loz Sauveiz, Cinz Yivangj song boux lauxsae hawj gyoengq lwnyez yozcenzbanh son Sawcuengh, doenggvaq dohmeizdij canjsi, guhcaemz mizyinx, gyoeb

cihsaw yawj doz, boihdoeg cihmoq daengj lai cungj fuengsik gyoengq lwnyez haengj guh maij hag neix, hawj gyoengq lwnyez youq gij gifwn angqyangz ndawde hag doeg singmeh “f, v, d, nd, n”. Youq gwnz aen dangz sonhag vaiqvued neix, sawj gyoengq lauxsae daeuj beizyin neix dingq ndaej haeujsim lili, bouxboux cungj haenh naeuz gij goq neix ndei raixraix. Baez beizyin neix, cawz le riengzban dingq go le, lij guh baen cuj yenzgiu daujlun, lauxhangz diemj-bingz, conhdiz gyangico daengj fuengsik lingzvued lai yiengh neix, roengzrengz hawj gyoengq boux yozyenz hag ndaej gij cihsiz haenx rox yungh daengz giz saedsaeh bae.



▲ Yinzhoz Siujyoz lauxsae Loz Sauveiz son hagseng doeg yinhmeh.



▲ Yinzhoz Siujyoz lauxsae Cinz Yivangj hwnj dangz Sawcuengh.



▲ Gyoengq yozyenz nyinhcaen dingq goq sij bitgeiq.

► Ra baengz-youx, gyoeb cih-moq.



▲ Hwnj daiz lingxdoeg ak lailai.

► Gyoengq boux lingjdauj, lauxhangz caeuq daengx-gyoengq yozyenz kab' ingi.

